



এইচএসসি : কুমিল্লার ছয় কেন্দ্র বাতিল

নওশাদ কবীর, কুমিল্লা থেকে

উচ্চ মাধ্যমিক পরীক্ষার কেন্দ্র স্থাপনের চড়াও সিদ্ধান্ত অনুযায়ী কুমিল্লা জেলায় ৬টি কেন্দ্র বাতিল করা হয়েছে। বাতিল কেন্দ্রগুলো হচ্ছে লাকসামের নীলকান্ত কলেজ, ব্রাহ্মণপাড়ার আমির হোসেন জোবেদা কলেজ, চৌদ্দগ্রামের গুণবতী কলেজ, বরুড়ার আড্ডা কলেজ, দাউদকান্দির বেগম রাবেয়া মহিলা কলেজ এবং জেলা সদরের কুমিল্লা মহিলা মহাবিদ্যালয়। বোর্ড কর্তৃপক্ষ ৬টি জেলার জন্য ১১টি এবং কুমিল্লা জেলা প্রশাসন ৩৪টি ভিজিলেন্স টিম গঠন করেছে।

কুমিল্লা জেলায় ৯৮টি কলেজ থেকে এ বছর মোট পরীক্ষার্থী ৩০ হাজার ৮৪০ জন। এর মধ্যে নতুন পরীক্ষার্থী ২৯ হাজার ২৫২ এবং পুরাতন এক হাজার ৫৮৮ জন। পুরুষ পরীক্ষার্থী ১৯ হাজার ১৭০ এবং মহিলা পরীক্ষার্থী ১১ হাজার ৬৭০ জন। এ বছর কুমিল্লা বোর্ডের অধীন নোয়াখালী জেলায় ১৪টি ফেনীতে ১০টি, লক্ষ্মীপুরে ৮টি, চাঁদপুরে ২১টি, কুমিল্লায় ৩১টি এবং ব্রাহ্মণবাড়িয়ায় ২৫টি সহ মোট ৯৬টি কেন্দ্র

৬৯ হাজার ২৬৮ জন পরীক্ষার্থী পরীক্ষায় অংশ নিচ্ছে। এর মধ্যে পুরুষ ৪৩ হাজার ২৬ এবং মহিলা ২৬ হাজার ২৪২ জন।

কুমিল্লা শিক্ষা বোর্ডের একটি সূত্র জানায়, গত বছর ব্যাপক নকলপ্রবণ কেন্দ্রগুলোর ব্যাপারে বোর্ড এবং জেলা প্রশাসন এবার বিশেষ সতর্ক থাকবে। কোন কেন্দ্রে পরিস্থিতি নিয়ন্ত্রণের বাইরে চলে গেলে জেলা সদরে কেন্দ্র স্থানান্তরেরও ব্যবস্থা রয়েছে। জেলা প্রশাসক মোঃ রেজাউল করিম সোমবার সম্মেলন কক্ষে ১৩ উপজেলা নির্বাহী কর্মকর্তা, জেলা প্রশাসনের ম্যাজিস্ট্রেট এবং অতিরিক্ত জেলা প্রশাসকদের নিয়ে এক জরুরি সভায় সুষ্ঠুভাবে পরীক্ষা গ্রহণের জন্য মতবিনিময় করেন। জেলা প্রশাসক এ প্রতিনিধিকে জানান, যে কোনভাবেই হোক এবার কুমিল্লায় নকলমুক্ত পরিবেশে এইচএসসি পরীক্ষা গ্রহণে প্রশাসন সর্বাত্মক প্রচেষ্টা চালিয়ে যাবেন। তিনি ডিজিটাল টিমগুলোতে সরকারি কর্মকর্তা, ম্যাজিস্ট্রেট, সাংবাদিক, অ্যাডভোকেট এবং জনপ্রতিনিধিদেরও অন্তর্ভুক্ত করেছেন।